

Amanaki ke tohia e higoa mo e vili



**ELECTORAL
COMMISSION**
TE KAITIAKI TAKE KŌWHIRI

ROE47 A4 Niuean 07/2024

Ko e hā ne kua fakamau e higoa ke vili?

Kaeke kua fakamau haau a higoa ke vili, maeke ia koe ke fai talahauaga ke he tau viliaga lahi, tau viliaga maaga mo e tau viliaga lahi ke he tau matakupu mua atu e mahuiga. Ko e viliaga lahi he motu ko e haau a magaaho hanei ke talahau ko hai ke hukui a koe ki loto he Fono Ekepule poke ki loto he haau a fono takitaki maaga ke he tau manatu kua mahuiga kia koe.

**Maeke haau a leo ke
logona kaeke kua
fakamau haau a higoa
ke vili.**



Ko hai ne maeke ke tohia e higoa ke eke mo tagata vili?

Kua lata a koe ke tohia e higoa kaeke ko koe:

- kua 18 e tau he moui poke molea, mo e
- ko e tagata Niu Silani poke tagata nofo mau i Niu Silani, mo e
- kua nofo i Niu Silani ke molea e taha e tau ke he taha magahala he haau a moui.

Kaeke ko e tagata Osetalia, Māuli Kuki Aelani, Niue, Tokelau, maeke ia koe ke fakamau haau a higoa kaeke kua nofo a ko i Niu Silani ke he katoa e 12 e mahina.

Kaeke kua nofo a koe he tau motu kehe maeke ia koe ke tohia e higoa haau ke eke mo tagata vili kaeke ko koe kua:

- ko e tagata Niu Silani ne kua nofo i Niu Silani ke he tolu e tau kua mole, poke
- ko e tagata nofo mau i Niu Silani ne kua nofo i Niu Silani ke he 12 e mahina kua mole.

Ke lata ma e tau viliaga, ko e tagata nofo mau he motu Niu Silani ko e ha tagata kua moua e fakaatāaga fakamatafakatufono mo e nakai faka fakakaupāaga ke he tau magaaho kua lata ke fano kehe mai mo e motu. Kua putoia ai e tau tagata ni kua hahā i ai e visa nofo motu.

Maeke ia koe ke fakamau haau a higoa ka tū e 17 he haau a tau moui. Ko e magaaho ka tū e 18 he haau a tau moui, to fakamau agataha haau a higoa mo e kua mau a koe ke vili.



Fakamauaga he higoa ke vili kaeke ko koe ko e tagata Māuli

Kaeke kua tupu mai a koe he tau tupuna Māuli mo e ko e magaaho fakamua laia hanei kua fakamau haau a higoa ke vili, fifili e koe e tohi fakamau higoa tagata vili kua manako a koe ke nofo ki ai: ko e tohi fakamau higoa tagata vili he motu poke tohi fakamau higoa tagata vili ma e tau tagata Māuli.

Kaeke kua fitā ni a koe he fakamau haau a higoa ke vili, maeke ia koe ke hiki e tohi fakamau higoa tagata vili ne kua tohia haau a higoa ki ai he ha magaaho taha, ka e nakai maeke kaeke kua:

- nofo ki loto he 3 e mahina to fakahoko e viliaga lahi he motu poke viliaga he maaga
- to fakahoko ai e vili motuhia he fono ekepule kaeke kua uta kehe e hikiaga nei a koe ki loto he tohi fakamau tagata vili ne kua taute ai e vili motuhia nei ki ai.

Ko e heigoa e kakano he fililiaga ke he tohi fakamau higoa tagata vili kia koe?

Ko e haau a fifiliaga to lauia ai e matakavi kua fakamau a koe ke vili ki ai mo lautolu ne kua maeke ia koe ke vili ki ai he viliaga lahi he motu pihia mo e maaga.

Kaeke kua fifili e koe e tohi fakamau higoa tagata vili ma e motu, to vili a koe ma e tagata ne kua tohia ki loto he fakamauaga nei ke he viliaga lahi he motu. Kaeke kua fifili e koe e tohi fakamau tagata vili ma e tau Māuli, to fifili ai e koe e tagata ne kua fakatu e higoa mo vili ke he tohi fakamau tagata vili ma e tau Māuli.

Maeke ia koe ke vili ma e tau matakau politika ke he viliaga lahi he motu, ko e tohi fakamau tagata vili fē ni kua nofo a koe ki ai.

Ko e tohi fakamau tagata vili fe ni kua fifili e koe to lauia ai e puhala kua vili a koe ke he tau viliaga he maaga. Kaeke kua nofo a koe ke he tohi fakamau tagata vili he tau Māuli mo e kua haha i ai e matakau Māuli ke he haau a fakatufono he maaga, to vili ni a koe ke he tau tagata ne kua fakatu e tau higoa ki loto he matakau Māuli poke maaga. Kaeke kua fifili e koe e tohi fakamau tagata vili he motu, to vili a koe kia lautolu i loto he matakavi nei.



Tupetupe ke he haau a moui haohao?

Kaeke kua tupetupe a koe ke he haohaoaga he haau a moui, poke haau a magafaoa, maeke ia koe ke tohi ole ke tuku haau a higoa ke he tohi fakamau higoa tagata vili ne kua nakai tohia. To toka haohao e mautolu haau a tau fakamauaga tohia higoa tagata mo e to nakai foaki atu ke he ha tagata.

Finatu ke he **vote.nz** poke hea **0800 36 76 56** ke lata mo e tau fakailoaga laulahi mo e ke lata mo e taha tohi ole.



Maeke fēfē ia au ke fakamau e higoa?

Mukamuka ke fakamau e higoa poke fakafoou haau a tau fakailoaga fakatagata. Maeke ia koe ke:

- ahiahi atu ke he **vote.nz** mo e fakaaoga e haau a laisini fakaholo ha Niu Silani, Pasipote Niu Silani poke RealMe verified identity ke fakamau e haau a higoa i luga he laini hila
- hea nakai fai totogi **0800 36 76 56** mo e ole ke fakafano atu taha tohiaaga kia koe.

Ko e magaaho ka fakamau haau a higoa, to tuku atu haau a higoa ke he tohi fakamau higoa tagata vili. Kua lata ia koe ke toka haau a higoa ke he tohi fakamau higoa tagata vili ke maeke ia koe ke vili.

Kua lata ia koe ke fakafoou haau a tau fakailoaga fakatagata ke he tau magaaho oti ka hiki haau a kaina ne nofo ai.



Manako lagomatai ke fakamau e higoa?

Maeke ia koe ke ole atu ke he tagata kua iloa e koe, tuga e kapitiga poke tagata he magafaoa ke lagomatai a koe ke fakapuke haau a tohi ole ke eke mo tagata vili, poke ke fakapuke haau a tohi ole ke lata mo koe.

Kua lata ia koe ke fakamooli e tohi nei.

Kaeke kua iloa e koe ha tagata ne kua nakai maeke ke fakapuke mo e fakamooli ha lautolu a tohi fakamau tagata vili ha kua nakai mitaki e tino poke manamanatuaga, kua maeke ia koe ke lagomatai atu.



Manako e tau fakailoaga fakalaulahi?

Ke lata mo e tau fakailoaga fakalaulahi haggao ia ke he fakamauaga he higoa tagata vili poke viliaga:

- ahiahi atu ke he **vote.nz**
- hea **0800 36 76 56**

Tau fakailoaga haggao ia ke he tohiaaga he higoa tagata vili poke viliaga kua maeke ke moua ai ke he loga e tau vagahau kehekehe mo e falu puhala foki ke he **vote.nz**

